

ՀՐԱՆՏ ԹԱՄՐԱՋՅԱՆ, Գրական դիմանկարներ, հոդվածներ, «Հայաստան»
հրատարակչություն, Երևան, 1975, 430 էջ

Ժամանակակից հայ գրականագիտության և գրական քննադատության զարգացման մեջ իր որոշակի վաստակն ունի գրականագետ Հրանտ Թամրաջյանը, Օրերս նա ընթերցողի սեղանին է գրել իր նոր ժողովածուն, ուր ղեկավարված են գրականադեպի վերջին տարիների աշխատությունները՝ նվիրված սովետահայ արձակագիրներ Ստ. Զորյանին, Ա. Բակունցին, Հր. Քոչարին, Հր. Մալեդյանին, բանաստեղծներ Գ. Սարյանին, Հ. Շիրազին, Պ. Սևակին, Վ. Դավթյանին, Հր. Հովհաննիսյանին, գրականագետներ Ա. Տերտերյանին, Ա. Ինճիկյանին, Հ. Սալախյանին, Ս. Աղաբաբյանին, Ա. Զաքարյանին և Ռ. Իշխանյանին:

Ժողովածուի ընդգրկումը, նրա թեմատիկ սահմանները լայն են ու բազմադեպ: Դիրքը ընթերցողին մտցնում է ժամանակակից գրականության բուն ընթացքի մեջ, հաղորդակից դարձնում գրաքննադատության արդի խնդիրներին և նրանց շուրջ ծավալված բանավեճերին: Այն աչքի է ընկնում մի շարք առավելություններով՝ գիտական-տեսական ամուր հիմք, խոր վերլուծություն, ժամանակակից գրականագիտության մակարդակով գրական իրողությունների ամենալուրջ րենության միտում: Գրականագետը հմտորեն ղուգակցում է գրականության պատմությունը, տեսությունը և քննադատությունը, օգտվում այլ դիսցիպլինաների՝ ստեղծագործության հոգեբանության, պատմության, փիլիսոփայության, սոցիոլոգիայի, արվեստների, տեքստաբանության ընձեռած հնարավորություններից, գրողին և գրական երկերը բաղմակողմանի արժեքավորելու համար: Նրան ևս, ինչպես նա գրել է գրականագետ Ա. Ինճիկյանի մասին, օգնություն են հասնում այդ գիտությունները, այդ թվում նաև «կենսագիրն ու պատմաբանը, հոգեբանն ու քննադատը» (էջ 338): Ինչպես հայտնի է, ժամանակակից գրականագիտության կարևորագույն առարկան գրականագիտությունն է գրական երևույթների կոմպլեքսային հետազոտությունը:

Գրականագետ Հր. Թամրաջյանը այս հարցում ևս համընթաց է քայլում արդի առաջավոր գրականագիտության հետ: Գրքում լայնորեն քննվում են Զորյանի, Բակունցի, Սևակի գեղարվեստական մտածողությունը, փիլիսոփայական խորհրդածությունները, գտնվում գրական երևույթների փիլիսոփայական և սոցիոլոգիական մեկնակետեր, խոր իմացությամբ րացահայտվում գրական երկերի, ստեղծագործությունների հոգեբանության նուրբ գրանորոշումները: Ըստ էության, ստեղծագործության հոգեբանության վրա է կառուցված Հովհաննես Շիրազի դիմանկարային քննադիրը: Խոսելով բանաստեղծի կերպարի բարդության, ընթերցողների և գրական քննադատության հետ ունեցած հակասական փոխհարաբերության մասին, հոգեբանքննադատը գրում է. «Հենց սկզբից բանաստեղծի առաջին իսկ քայլերից ծայր առավ գրական բնույթի մի վեճ: Բոլորն, իհարկե, ընդունում էին նրա ձիրքը, բայց ոչ բոլորին էին դուր գալիս տաղանդի նախասիրությունները, ուղղությունը և մտածողության եղանակը: Եթե նայենք հարցի մեծ պատմությանը, ապա այս վեճը մինչև իսկ բնական էր: Ստեղծագործական հոգեբանությունը տալիս է շատ փաստեր՝ սերունդների բնական հակասությունների մասին: Բանաստեղծը, անդամ մեծ բանաստեղծը, իր ճանապարհը բացելիս մի փոքր խեթ է նայում անմիջական նախորդներին, իսկ ճանապարհը բացելուց, իր աշխարհը հաստատելուց հետո, ջերմանալով նախորդների նկատմամբ, արդեն մի փոքր կասկածով և խեթ է նայում նորեկներին, որոնք դեմդիմաց փորձում են ստեղծել իրենց աշխարհը» (էջ 199):

Ինչպես վկայում է այս գիրքը, գրականագետի գլխավոր նպատակներից մեկն է դառնում գրողի տաղանդի, անհատականության, գեղարվեստական ձևերի ինքնատիպության վերհանումը, երկերի քննությունը գաղափարական և գեղարվեստական ամբողջության, ձևի և բովանդակության միասնության մեջ, վերլուծության ու համադրության ներդաշնակումը: Մյուս կողմից գրական իրողությունները հետազոտվում են տիպաբանական սկզբունքով, այսինքն՝ դրանք առնվում են պատմական կոնկրետության, սոցիալական իրականության մեջ, գրական տվյալ

լապի զարգացման համապատասխան, որոշվում գրական պրոցեսի օրենքներն ու օրինաչափությունները, նշվում ոչ միայն տարրեր գրողների և գրական ստեղծագործությունների առանձնահատկություններն ու յուրահատկությունները, այլև նրանց միջև եղած կապերը, առնչությունները, նմանությունները և ընդհանրությունները:

Այս սկզբունքով նա ցույց է տալիս արձակագիրներ Դեմիտրիանի, Ջորյանի, Բակունցի, Մաթևոսյանի, բանաստեղծներ Տերյանի, Ջարենցի, Սարյանի, Շիրադի, Սեակի և ուրիշների ընդհանրությունները՝ նույն աշխարհայացքը, որոշակի ձիրքը, հաճախ նույն թեման, գրականության հանդեպ խոր պատասխանատվությունը, աշխատասիրությունը, համառությունը և այլն, սակայն ընդգծում է նրանց ստեղծագործական տարբերությունները, խոր անհատականությունը, ուրույն խառնվածքը և ոճը: Դեմիտրիանը, օրինակ, հակված էր դեպի խոհանարարությունը և ուներ ընդգծված փիլիսոփայական թեքում, Ջորյանի մոտ ուժեղ էր էպիկական պատումը, աշխարհի շողափնի առարկայական ընկալումը, Ակսել Բակունցը արձակի նրբագեղությունը և դրամատիզմին ավելացնում է շերտ, խոր, հուզական քնարականությունը, Գ. Սարյանը վոդր նյութի մեջ հայտնագործում է մեծ զգացմունք, նրբությամբ բերում առօրյայի շունչը՝ սովորական նյութը դարձնում բանաստեղծություն, պատկերում մարդու ներաշխարհը, հույզերը, հոգեբանությունը: Շիրադի պոեզիայի մեջ որոշակի ընդգծվում է բանաստեղծի ինքնուրույն աշխարհը, նոր հայացքն ու ոգին, ներքին տագնապը, սիրո տիեզերական բաբախը՝ արտահայտված հատուկ փայլով ու պայծառությամբ, շքեղ պատկերներով ու սրտառուլ երգերով: Սեակի համար բնորոշ է դրամատիկ շեշտով աշխարհի տառապանքի ողբերգության պատկերը, գառն հեղանքով հոգու կեղտի, արատի, փոքրության ձաղկումը, լուսի, վեհի ու գեղեցկի պանծացումը, նոր եզերքների այրող կարոտը և այլն:

Գրականագետը մի անգամ ևս ապացուցում է, որ անհատականի և տիպաբանականի ընկալումը միասնության մեջ միանգամայն ճիշտ ճանապարհ է գրողի և նրա երկի գիտական մեկնաբանման համար: Սովետական գրականագիտության մեջ մինչև հիմա էլ կա այն կարծիքը, թե դրական քննադատությունը ոչ թե գիտություն է, այլ արվեստ. նման տեսաբանները շնչում են արվեստի և քննադատության սահմանները: Հետևանքը լինում է այն, որ գրական լեզուն փոխարինվում է արվեստի պատկերային ոճով՝ հաճախ պասսիվ նկարագրությամբ: Ումանք էլ քննադատությունը դիտելով որպես սոսկ գիտություն, հրաժարվում են արվեստի հնարաններից, կենդանի, պատկերավոր ու հյուսված լեզվից ու ոճից, գրում են չոր ու ցամաք, սառն ու անտարբեր, առանց կրքի, հույզի և զգացման:

Թամրադյանը հեռու է նման ծայրահեղությունից: Նրա համար քննադատությունը և՛ արվեստ է, և՛ գիտություն: Պատահական չէ, որ նրա հոդվածներից մեկը՝ նվիրված քննադատ Ս. Աղաբաբյանի «Ակսել Բակունց» գրքին, ունի «Քննադատությունը գիտության և արվեստի ճանապարհին» իմաստալից խորագիրը: Թամրադյանի աշխատությանը բնորոշ է խստագույն գիտականությունը, վերլուծության և համադրության, փաստի և նրա իմաստավորման, զուգակցումը, եզրահանգումների և գրական տերմինաբանության ճշգրտությունը, հետադադարական ու շարադրանքի գիտական տրամաբանությունն ու համոզականությունը: Այդ ամենին քննադատը հասնում է նաև արվեստի հնարանների, պարզ, իմաստալից, կենդանի, պատկերավոր լեզվի ու ոճի օգտագործման շնորհիվ: Արձակագիր Հր. Մաթևոսյանի շուրջն ընթացող տարամերձ վեճերի առիթով Թամրադյանը գրում է. «Ուրբան քնական է այդ վեճը, նույնքան անբնական է հենց սկզբից դրսևորվող շարունակությունը՝ նոր ժլարձակող մի ձիրքի, մի դալար ծառի նկատմամբ, որը նկատելի միտում ունի բարձրանալու և տարածվելու» (էջ 154): Կամ՝ անդրադառնալով նրա ստեղծած բնավորություններին, քննադատը նշում է. «Մարդիկ են... Սարերի պես խիստ, սարերի պես բարի, կարկտաբեր ամպի ու սարից սար կամար կապող ծիածանի պես: Ամեն ինչ նման է կյանքին դառն ու հաճելի, կանացի ու դրամատիկ, և հարազատ, շատ հարազատ սարերից էլ դենն ապրող մարդկանց» (էջ 159—160):

Թամրադյանը իր հիմնական խնդիրը համարելով գրական իրողությունների խոր վերլուծությունը, ներքին օրինաչափությունների բացահայտումը, խորամուխ է լինում երևույթների էության մեջ, տալիս համոզիչ, տրամաբանական բացատրություններ և շատ բարդ թվացող հարցերը մեկնելով դարձնում հասկանալի ու ըմբռնելի բոլորի համար: Խոսելով Պ. Սեակի վաղ շրջանի որոնումների մասին և նշելով այն, որ բանաստեղծը, չնայած իր որոշակի տաղանդին, բավական ուշ հասկացվեց ու գնահատվեց, քննադատը այդ բացատրում է այսպես. «Առաջին տասնամյակին բանաստեղծը շատ էր որոնում և ոչ միշտ էր նոր ճանապարհի վրա հասնում բուն շիկացման ու ձևի կատարելության... Նոր մտքերը, ոճը, դրական խառնվածքի յուրատեսակությունը պահանջում են տեղական ձեռքեր ու ժամանակ՝ դեռ անսովոր ընթերցողների ներաշխարհը»:

նվաճելու համար» (էջ 232—233)։ Նա հոգեբանական բացատրություններ է տալիս նաև դասական ավանդների վերաբերյալ որոշ բանաստեղծների (Վ. Տերյան, Ե. Զարենց, Պ. Սևակ և ուրիշներ) չափազանցված, ծայրահեղ, երբեմն ժխտական կարծիքներին։ Նրանց այդ վերաբերմունքը անցյալի արվեստի մեծ վարպետների նկատմամբ, դրում է քննադատը, «ենթարկվում էր մի տրամաբանության, մի ընդգծված միտումի, որը պատմության կողմից խորապես արդարացվում է։ Անբավարար լինելով գրական ընթացքից, նրանք ձգտում էին հայ բանաստեղծությունը բարձրացնել համաշխարհային առաջավոր արվեստի նորագույն նվաճումների մակարդակը, գույները խտացնում էին՝ երևույթի նշանակությունը ընդգծելու և տեսանելի դարձնելու նպատակով» (էջ 237—238)։ Իրենց այդ վարմունքով նրանք «ձգտում էին արագացնել հայրենի բանաստեղծության զարգացման ընթացքը, մի որոշ ժամանակ, մի որոշ առումով թուլացնել թանկագին կապանքները, կտրել կաշկանդող կապերը» (էջ 238)։ Նրանց հաջողվեց այդ ճանապարհին ստեղծել հենց այդ նոր որակը, բերել կենսականորեն անհրաժեշտ նոր խոսք։ Գրախոսվող գրքի հեղինակը նույն բացատրություններ է տալիս այն հարցին, թե ինչու մեր խորապես լավատեսական գրականության մեջ անցյալում այնուամենայնիվ զգալի տեղ են գրավել լավկանությունը, սիրտ ու նյարդեր մղկտացնող երկերը։ Համոզվել են հնչում հայ գրականության մեջ սխեմատիզմի, ֆորմալիզմի, նեոռոմանտիզմի, իմպրեսիոնիզմի դրսևավորումներին տրված բնութագրերը, ինչպես նաև այն հիմնավորումը, թե 1930—1940 թթ. անհատի պաշտամունքի շրջանում գրական քննադատությունը չէր կարող ունենալ հասարակական ու գեղագիտական խոր ազդեցություն և միայն վերջին երկու տասնամյակներին հասկանալի պատճառներով ձեռք բերեց ներգործող ու կազմակերպող մեծ դեր, նպաստեց գրական պրոցեսի առաջընթացին։ Այս գրքի արժանիքներից մեկն էլ նրա բանավիճային բնույթն է։ Քննադատը համարձակ վեճերի մեջ է մտնում և տրամաբանական առարկություններ անում այն քննադատներին, որոնք հայ գրականության մեջ բուն ազգայինը տեսնում են գյուղացիության կյանքը պատկերող երկերի մեջ, Ա. Բակունցին համարում գերազանցապես հին գյուղի երգիչ, Շիրազի պոեզիայի մեջ անտեսում խոհափրիխոփայական երակը, Սևակին համարում ռացիոնալիզմի բանաստեղծ, մոռանալով, որ նրա պոեզիան հագեցված է խոր հույզերով և փրիսոփայական իմացական ակնառու հարստությամբ, մտքի և հույզի բնական ներդաշնակությամբ։

Գրքում գտնում ենք մեր մի շարք գրողների և գրականագետների գրական դիմանկարներ (Ստ. Զորյան, Ա. Բակունց, Գ. Սարյան, Ա. Տերտերյան, Ա. Ինճիկյան և այլն)։ Դրանք դոկումենտալ ակնարկներ են մեր գրողների և գրականագետների գրական ստեղծագործական մտավոր ու անհատական կյանքի, հասարակական գործունեության վերաբերյալ և աչքի են ընկնում իրենց նպատակալացությամբ, ամբողջականությամբ, գրականության ընդհանուր ֆոնի և գրական պրոցեսի հետ սերտ առնչությունների դիպուկ բնութագրումներով։ Թամարայանը, խոսելով հանգուցյալ գրականագետ Ա. Ինճիկյանի մասին, նրա «Հովհաննես Թումանյան» աշխատությունը անվանում է լայն բացվող պատուհան բանաստեղծի անտեսանելի աշխարհի վրա, որով նա ասում է նոր խոսք, դրսևորում ձիրք, տեական աշխատանքի կարողություն, պատմության և արվեստի խոր իմացություն, այլև տալիս է տվյալ պահի և անվան համար ջատ էական մի շարիչ գործոնի ապացույց՝ «հարատև կապ հանճարի վաստակի հետ, սեր և նվիրվածություն» (էջ 335)։

Հր. Թամարայանի այս գիրքը վկայում է, որ գրականագետը անկեղծաբար այրվում է արդի գրականության հրատապ պրոբլեմների հետազոտման բուռն ցանկությամբ, միաժամանակ դրսևորելով հմտություն և տեսական խոր բազմակողմանի պատրաստություն։

Ա. Գ. ԲԱՂՂԱՍԱՐՅԱՆ

Բաճախիական գիտությունների քնննաժող